

Da la Catalugna a l'Ucraina

Pievels d'Europa braman dignitat e renconuschienscha

DA GUIU SOBIELA-CAANITZ

■ 2014 pudess ir en l'istorgia sco l'onn da pievels che pretendian renconuschienscha: Ucranais encunter la Russia imperialia da president Putin, Curds encunter l'intoleranza araba u tirca, Catalans encunter la Spagna stinada euv. Mintgin da lezs pievels è enragischà en in intschess determinà. Il studi da lur bramas fa part da la geopolitica, rom da la geografia culturala. L'Institut geografic da l'Universitat da Berna (tel. 031 631 88 75) cumpiglia dudesch gruppas da perscrutaziun; ina da questas, deditgada a la geografia culturala e manada da vicerectura Doris Wastl-Walter, ha gis arranschà ina dieta internazionala intitulada «Autodeterminaziun en Europa».

Dapi la ruina da la tenda da fier

Béla Filep, schef dal comité d'organizaziun, ha avert l'occurrence schend: «Dapi decennis aud'ins pretensiuns d'autonomia politica dapertut en Europa. En ils onns novanta dal tschientaner passà, suenter la ruina da la tenda da fier, han violent conflicts territorials marcà las disputas in l'Europa dal sidost, cun la fin da la Jugoslavia, ed en il Caucasus (...). Insaquants da quests conflicts han surmuntà la saiv dal millenni, per exempl en la Cosova, nua ch'ins n'ha en quindesch onns anc adina betg pudi cuntanscher ina schligiaziun duraivla. En ils davos onns èn bramas d'autodeterminaziun vegnidas pli fermas aifer l'Uniun europeica (UE), da la Catalugna en la part sid a la Scozia encunter nord, dal Székelyföld en l'ost [da la Transilvania] a la Flandra en il cor da l'Europa. Quels cumbats nunviolent perturgavan problems analogs u sumegliants. En tut ils cas menziunads han pievels (...) manifestà lur brama da determinar sezs lur destin (...). Amez il postulat d'autodeterminaziun sa du mond'ins perge che pievels, gruppas etnicas u minoritads linguisticas veglian determinar sezs lur destin. Tge facturs influenzeschan il mument e l'intensitat da lezza brama? Tge sort d'autodeterminaziun vegn lura giavischada (...) Cun tge strategia main'ins il cumbat (...)? Ins n'avess betg pudi arranschar questa dieta senza l'agid finanziel da princi Gion Adam da Liechtenstein e da la vischnanca burgaisa da Berna.» I suonda ina resumaziun dals muments essenzials da la dieta enturn quatter pievels, numnadament, da sidvest encunter l'ost, il catalan en Spagna, il silesian en Polonia, il sicul en Rumenia ed il gagaus en Moldova ed Ucraina.

Tge schabegia a Barcelona?

Dapi onns rapportan las medias adina puspè dal cumbat catalan per l'independenza. Ins sto dentant dar datag: La «Comunitat autònoma de Catalunya», cun 7, 571 millioni olmas ed ina regenza separatistica che residiescha a Barcelona, è mo la part principala dals «Països Catalans»; lezs cumpiglianc la mesedad da la «Comunitat Valenciana», lura las Baleares, strivilas d'Aragon, Andorra, la citad d'Alghero/L'Alguer en Sardegna e la «Catalunya Nord» che corrisponduta a la pli gronda part dal «département» franzos numnà «Pyrénées-Orientales». L'economist Roger Albiniana, commember da la regenza catalana, ha preschentà las aspiraziuns da ses pajais. El ha fatg endament las instituziuns medievalas abolidas da retg Filip V (1683-1746; v. La Quotidiana dals 5 da settember 2014), ma negiord che var 60 % da la populaziun giavischia l'independenza. El ha relevà la brutalitat verbala dals adversaris



Dapi onns rapportan las medias adina puspè dal cumbat catalan per l'independenza.

l'immigratiun estra, t.a. bulgara e tudestga. Rumen discurriva il 1897 mo pli 56 % da la populaziun da Besarabia; il russ valeva – e vala anc adina - sco lingua da l'elita. Il 1918 ha la populaziun cuntanschì l'annexiun a la Rumenia malgrà l'opposiziun russa. Il protocol secret dal patg da 1939 cun la Germania numinava la Besarabia ina part da la sfera d'influenza sovietica; l'Armada cotschna l'ha pia occupada il 1940, e la Germania ha «repatrià» il Tudestgs dal pajais.

Ils ertavels da la Besarabia

La Moldova (passa 3,5 millioni olmas), independenta dapi 1991, cun lingua uffiziala rumena, cumpiglia la pli gronda part da la Besarabia istorica; il rest, sper il Mar nair, fa part da la provinza d'Odessa en Ucraina. L'etnolog svizzer Simon Schlegel (Institut Max Planck, Halle, Saxonia-Anhalt) ha referi a Berna davart lez intschess suenter ina retschertga da sedesch mais en la provinza d'Odessa. Las populaziuns bulgaras e gagausas da Besarabia èn partidas tranter lezza provinza e la Moldova, nua che la Gagausia autonoma (161 192 olmas) dovrà il russ sco linguatg principal da l'educaziun e da l'administraziun. «Ils 29 da novembre 2013 a Vilnius (Lituania) ha la Moldova parafà ina convenziun d'associazion e da commerzi liber cun l'UE; ella l'ha suttascritta ils 27 da zercladur. La regenza eurofila da primminister Iurie Leanca resguardava quai sco in pass vers la commembranza en l'UE (...). Dentant, ils 2 da favr 2014, ha la regenza regiunala gagausa [manada da guvernatur Mihail Formuzal] (...) arranschà in referendum nunliant; la populaziun dueva dir sch'ella recumondia in'affiliaziun ad in spazi economic manà da la Russia u a l'UE ed approvia l'independenza da la Gagausia. La participaziun è stada da var 70%; votants e votants han approvà cun 98 % da las vuschs in'affiliaziun a la futura Uniun economica eurasistica, e cun 99 % l'independenza dal pajais; 97 % han sa pronunciads encunter lioms pli strengs cun l'UE» (3).

Plurilinguitad encunter omogenetad

En in essai publitgà da «forausblog» sin Internet ils 10 da zercladur 2014 critigescha Simon Schlegel la propaganda manzegnusa da Moscou cunter ils defensurs da l'Ucraina independenta: «Numnar ,faschists' tut ils naziunialists ucranais dat l'impressiun faussa ch'i sjan ideologicamain pli privlus che quels naziunialists russ, svizzers u franzos che triumfeschan en elezioni nazionalas ed europeicas. Quai mutta ch'ins surpiglia il linguatg da la propaganda russa (...). La politica exteriuera da l'Europa e da la Sviza sto ta tegnair vi dal streng fil da la raschun, tranter l'isteria russa dal faschism ed ina visiun vaira problematica d'in stadi naziunal ucranais cun lingua e cultura omogena (...). Il pajais basegna (...) ina constituziun che renconuschia cleramain (...) l'ucranais sco ina da plirs linguatgs ch'ins discurra là. Dacurt han deplorablamente elezioni e votaziuns en Svizra ed en Europa mussà plitost che blers votants e votants europeics sa tegnan era vi dal princip: „In pajais, ina cultura“». In tal princip po mo stimular separatissems, saja quai en Pologna, en Rumenia, en Spagna u en autres pajais.

Conquistà duas giadas da la Russia

Il cunfin dal flum Prut tranter lez «mund russ» e la Rumenia deriva da quel congress da Berlin che ha renconuschì 1878 l'independenza dal piatschen stadi neolatin. La Russia aveva già annectà 1812 la cintinuaziun geografica da quella latinitat encunter l'ost, tranter ils flums numnads per rume Prut e Nistru. Il zar ha numnà «Besarbscaja Gubernija» («Provincia da Besarabia») la strivila acquistada, la provinza la pli piatschna da l'imperi, ed ha dumbrà 1817 la populaziun: 83 848 famiglias rumenas (86 % da la populaziun), 6000 ucranais (6,5 %), 3826 giudaicas (1,5 %), 1200 lipovanas (er 1,5 %), 640 grecas (0,5 %), 530 armenas (0,6 %), 241 bulgaras (0,25 %) ed era 241 gagausas (0,25 %). Ils Gagaus èn cristians ortodoxs da lingua tirca. Ils zars han limità rigurusamain il diever dal linguatg rumen e promovì il russ e

¹ Lieu: Unizentrum, Raum KOL F 117, Rämistr. 71.

² Yves Lacoste (ed.), *Dictionnaire de géopolitique*. Paris (Flammarion, ISBN 2-08-035101-X) 1993, p.1393, chavazzin «sicules».

³ Eva Berié (ed.), *Der neue Fischer Weltalmanach 2015*. Frankfurt am Main (S. Fischer, ISBN 978-3-596-72015-6) 2014, pp. 310-311, chavazzin «Moldau».